



Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Tertiæ Partis Volumen Secundum

Thomas <von Aquin, Heiliger>

Romae, 1619

Vtru[m] requiratur aqua simplex? 4

urn:nbn:de:hbz:466:1-38725

Matt. baptizatis in Spiritu sancto, reliquum est consummari igne iudicij.

Ad secundum dicendum, quod vinum & oleum non communiter assumuntur ad usum ablutionis, sicut aqua. Nec etiam ita perfectè abluunt: quia ex eorum ablutione remanet aliqua infectio, quantum ad odorem, quod non contingit de aqua. Illa etiam non ita cōriter & abundanter habentur sicut aqua.

Ad tertium dicendum, quod ex latere Christi fluit aqua ad abluendum: sanguis autem ad redendum. Et ideo sanguis competit sacramento Eucharistiae: aqua autem sacramento baptismi, qui tamen habet vim ablutiæ ex virtute sanguinis Christi.

Ad quartum dicendum, quod virtus Christi derivata est ad omnem aquam, non propter continuatatem locis, sed propter similitudinem speciei. Vnde dicit Aug.* in quadam sermone Epiph. Quæ de Salvatoris baptismate benedictio fluxit, tamquam fluuius spiritualis, omnium gurgitum tractus, vniuersorum fontium venas implevit.

Ad quintum dicendum, quod illa benedictio quæ adhibetur aquæ, non est de necessitate baptismi: sed pertinet ad quandam solemnitatem, per quam excitatur deuotio fidelium, & impeditur astutia dæmonis, ne impedit baptismi effectum.

A R T I C. IV.

Vtrum ad baptismum requiratur aqua simplex?

AD quartum sic proceditur. Videtur, quod ad baptismum non requiratur aqua simplex. Aqua enim quæ apud nos est, non est aqua pura: quod præcipue apparet de aqua maris, in qua plurimum admiscetur de terrestri, ut patet per Philosoph. in lib. Meteor. ¶ Et tamen in tali aqua potest fieri baptismus. Ergo non requiritur aqua simplex, & pura ad baptismum.

¶ 2 Præterea, In solemní celebratione baptismi, aquæ infunditur chrisma. Sed hoc videtur impediare puri-

in ser. I.
dom. inf.
oct. epiph.
ame. to.
10.

367
4.d.3. a.
3.9.2. c.
4.c.58.

lib. 2. c. 3.
to. 2.

110 QVÆST. LXVI. ART. IV.
puritatem & simplicitatem aquæ. Ergo aqua pura &
simplex non requiritur ad baptismum.

art. præc.
& q. 62.
gr. .

¶ 3 Præterea, Aqua fluens de latere Christi pen-
dantis in cruce, fuit signum baptismi: ut dictum est *.
Sed aqua illa non videtur suisse aqua pura: eo quod
in corpore mixto (cuiusmodi fuit corpus Christi) non
sunt elementa in actu. Ergo videtur, quod non requi-
ratur aqua pura vel simplex ad baptismum.

¶ 4 Præterea, Lixiuum non videtur esse aqua
pura: habet enim contrarias proprietates aquæ, scilicet
calefaciendi & desiccandi; & tamen in lixiuio
videtur posse fieri baptismus: sicut & in aquis bal-
neorum, quæ transeunt per venas sulphureas, sicut &
lixiuium colatur per cineres. Ergo videtur quod aqua
simplex non requiratur ad baptismum.

¶ 5 Præterea, Aqua rosacea fit per sublimationem à
rosis, sicut etiam aquæ Alchimica generatur per subli-
mationem ab aliquibus corporibus. Sed in his aquis,
ut videtur, potest fieri baptismus, sicut & in aquis
pluvialibus, quæ per sublimationem vaporum gene-
rantur. Cum igitur huiusmodi aquæ non sint puræ &
simplices, videtur quod aqua pura & simplex non
requiratur ad baptismum.

art. præc.

S E D contra est, quod propria materia baptismi
est aqua, ut dictum est †. Sed speciem aquæ non ha-
bet nisi aqua simplex. Ergo aqua pura & simplex de
necessitate requiritur ad baptismum.

R E S P O N D E O dicendum, quod aqua suam
puritatem & simplicitatem potest amittere dupli-
citer. Vno modo per mistionem alterius corporis: alio
modo per alterationem. Vtrumque autem horum con-
tingit fieri dupliciter, scilicet per artem & per natu-
ram. Ars autem deficit ab operatione naturæ: quia
natura dat formam substantialem, quod ars facere
non potest. Sed omnes formæ artificiales sunt acci-
dentes, nisi forte apponendo proprium agens ad
propriam materiam, sicut ignem combustibili: per
quenam modum à quibusdam quædam animalia per pa-
tientiam.

tresfactionem generantur. Quæcumque igitur transmutatio circa aquam facta est per artem, siue commiscendo, siue alterando, nō transmutatur species aquæ. Vnde in tali aqua potest fieri baptismus, nisi forte aqua admisceatur per artem in tam parua quantitate alicui corpori, quod compositum magis sit aliud quam aqua: sicut lutum magis est terra quam aqua: & vimnum lymphatum magis est vinum quam aqua. Sed transmutatio, quæ fit a natura, quandoque quidem speciem aquæ soluit: & hoc fit quando aqua efficitur per naturam de substâlia alicuius corporis mista: sicut aqua conuersa in liquorem vñæ, est vinum; unde non haber speciem aquæ. Aliquando autem fit per naturam transmutatio aquæ sine solutione speciei: & hoc tam per alterationem (sicut patet de aqua calefacta à sole), quam etiam per mistionem, sicut patet de aqua fluminis, turbida ex permistione terrestrium partium. Sic ergo dicendum est, quod in qualibet aqua qualitercumque transmutata, dummodo non soluatur species aquæ, potest fieri baptismus: si vero soluatur species aquæ, non potest fieri baptismus.

Ad primum ergo dicendum, quod transmutatio facta in aqua maris, & etiam in alijs aquis, quæ penes nos sunt, non est tanta, quod soluat speciem aquæ. Et ideo in huiusmodi aquis potest fieri baptismus.

Ad secundum dicendum, quod admixtio chrisma-tis, non soluit speciem aquæ: sicut nec etiam aqua decoctionis carnium, aut aliorum huiusmodi. Nisi forte sit facta tata resolutio corporum lixatorum in aqua, quod liquor plus habeat de aliena substantia, quam de aqua: quod ex spissitudine perspici potest. Si tamē ex liquore sic inspissato exprimatur aqua subtilis, potest in ea fieri baptismus, sicut & in aqua, quæ exprimitur ex luto; licet in luto baptismus fieri non possit.

Ad tertium dicendum, quod aqua fluens de latere Christi pendens in cruce, non fuit humor phlegmaticus, ut quidam dixerunt. In tali enim humore non posset

posset fieri baptîsmus: sicut nec in sanguine animalis, aut in vino, aut quocumque liquore alicuius plantæ. Fuit autem aqua pura, miraculose egrediens à corpore mortuo, sicut & sanguis, ad comprobandam veritatem Dominici corporis, contra Manichaorum eretorem: ut scilicet per aquam (quæ est vnum quatuor elementorum) ostendetur corpus Christi vere fuisse compositum ex quatuor elementis: per sanguinem vero ostenderetur esse compositum ex quatuor humoribus.

Ad quartum dicendum, quod in lixiuio, & in aquis sulphureorū balneorum, potest fieri baptîsmus: quia tales aquæ non incorporantur per artem vel naturam aliquibus corporibus mistis, sed solum alterationem quamdam recipiunt, ex hoc quod transeunt per alia corpora.

Ad quintum dicendum, quod aqua rosacea est liquor rosæ resolutus. Vnde in ea non potest fieri baptîsmus, & eadem ratione nec in aquis alchimicis, sicut nec in vino. Nec est eadē ratio de aquis pluvialibus, quæ generantur ex maiori parte ex sublimatione vaporum resolutorum ex aquis. Minimum autem est ibi de liquoribus corporum mystorum: qui tamen per huiusmodi sublimationem virtute naturæ, quæ est fortior arte resoluntur in veram aquam, quod ars facere non potest. Vnde aqua pluvialis nullam proprietatem retinet alicuius corporis misti: quod de aquis rosaceis & aquis alchimicis dici non potest.

ARTIC. V.

Vtrum hæc sit conueniens forma baptîsmi, Ego te baptizo, in nomine Patris, & Filii, & Spiritus sancti?

268
inf. q. 84.

a. 1. o et
4 d. 3. a.
2 g. 1. o
1. cor. 1.
de 2. col. 3.
q. 64. a. 1

Ad quintum sic proceditur. Videtur, quod hæc non sit conueniens forma baptîsmi: Ego te baptizo, In nomine Patris, & Filii, & Spiritus sancti. Actus enim magis deber attribui principali agenti, quam ministro. Sed in sacramento minister agit ut instrumentum, (ut supra dictum est); principale autem agens in baptis-